

冊府元龜

二

台灣中華書局股份有限公司 出版
宗青圖書出版有限公司 發行

第二冊

冊府元龜

臺灣中華書局印行

冊府元龜第二冊目錄

卷五三	尙黃老一	五八五	卷七一	命相一	七九五
卷五四	尙黃老二	五九七	卷七二	命相二	八四一
卷五五	養老	六一〇	卷七三	命相三	八三〇
卷五六	節儉	六二二	卷七四	命相四	八四七
卷五七	英斷	六三二	卷七五	任賢	八六二
卷五八	明察	六四一	卷七六	禮大臣	八六九
	勤政	六四五		褒賢	八七三
	守法	六五三	卷七七	委任一	八八〇
	致治	六五五	卷七八	委任二	八九三
卷五九	興教化	六五八	卷七九	慶賜一	九〇三
卷六〇	立制度一	六六六	卷八〇	慶賜二	九二三
卷六一	立制度二	六七八	卷八一	慶賜三	九四〇
卷六二	發號令一	六八九	卷八二	赦宥一	九五三
卷六三	發號令二	七〇一	卷八三	赦宥二	九七〇
卷六四	發號令三	七二三	卷八四	赦宥三	九八六
卷六五	發號令四	七二二	卷八五	赦宥四	一〇〇〇
卷六六	發號令五	七三四	卷八六	赦宥五	一〇一五
卷六七	求賢一	七四六	卷八七	赦宥六	一〇三一
卷六八	求賢二	七六一	卷八八	赦宥七	一〇四六
卷六九	審官	七七二	卷八九	赦宥八	一〇五七
卷七〇	務農	七八四	卷九〇	赦宥九	一〇七三
			卷九一	赦宥一〇	一〇八六
			卷九二	赦宥一一	一〇九八

卷九三

赦宥一二

一一一〇

卷九四

赦宥一三

一一二二

卷九五

赦宥一四

一一三二

卷九六

赦宥一五

一一四〇

帝王部(二)

卷九七

獎善

一一五一

卷九八

徵聘

一一五六

卷九二

立歸一

六八八

卷九一

立歸二

六八八

卷九〇

立歸三

六八八

卷八九

立歸四

六八八

卷八八

立歸五

六八八

卷八七

立歸六

六八八

卷八六

立歸七

六八八

卷八五

立歸八

六八八

卷八四

立歸九

六八八

卷八三

立歸一〇

六八八

卷八二

立歸一一

六八八

卷八一

立歸一二

六八八

卷八〇

立歸一三

六八八

卷七九

立歸一四

六八八

冊府元龜第二冊目錄

冊府元龜

巡按福建監察御史臣李嗣京 訂正

知閩縣事臣曹鼎臣 參閱

知建陽縣事臣黃國琦 較釋

帝王部 五十三

尚黃老

黃帝曰觀天之道執天之行晝矣老子曰我無爲而民自化我好靜而民自正信所謂知之修練滌除冲覽拱默番衣而致治猶龍變化而莫測本其妙用歸諸自然故乃疑神御變抱一執契無可無不可者矣

冊府元龜 帝王部 卷之五十三

乙

自漢之世崇其言於宮壺孝武以降混其術於神仙或嚴祠於掖庭或講議於斧扆廣設壇醮親受符籙盼蠶報應與時偕行雖崇奉之至亦未能清淨如此也唐稱景霄茂暢真氣靈宇相望黃冠交暎尊其虛無之論列於儒學之科與夫大易神道設教洪範建用皇極愛民治國之要其歸一揆耳

後漢桓帝延熹八年正月遣中書侍左悺之苦縣祠

老子

十一月使中書侍管霸之苦縣祠老子

九年七月祠黃老於濯龍宮

文屬爲壇飾浮金鉛器設華蓋之座用郊天樂

於是百姓稍有奉者後遂轉盛

晉哀帝雅好黃老斷穀餌長生藥

後魏道武好黃老之言誦詠不倦數召諸王及朝臣

親爲說之

太武太平真君三年正月甲申帝至道壇親受符籙

法駕旗幟是時道士寇謙之字輔真南雍州刺史讚

之之弟自云冠恂之十三世孫早好仙道有絕俗之

心少修張魯之術服食餌藥歷年無効函誠上達有

仙人成公興不知何許人至謙之從母家備質謙之

嘗觀其姨見興行貌甚強力作不倦請迴質興代已

冊府元龜 帝王部 卷之五十三

帝王部 尚黃老

卷之五十三

二

使役乃將還令其開舍南棗田謙之於樹下坐筭興懇發至勤時來看筭謙之謂曰汝但力作何爲看此二三日後來復看之如此不已後謙之筭十一曜有所不了惘然自失興謂謙之曰先生何爲不懌謙之曰我學筭累年而近筭周髀不合以此自愧且非汝所知何勞問也興曰先生試隨興語布之俄然便決謙之嘆伏不測興之深淺請師事之興固辭不肯但求謙之爲弟子未幾謂謙之曰先生有意學道豈能與興隱道謙之忻然從之興乃令謙之繫齋三日共入華山令謙之居一石室自出採藥還謙之之食藥不

役饑乃將謙之入嵩山有三重石室令謙之住第二重歷年與謂謙之曰與出後當有人將藥來但食之莫爲疑怪尋有人將藥而至皆是毒虫是惡之物謙之大懼出走與還問狀謙之具對與歎息曰先生未便得仙止可爲帝王師耳與事謙之七年而謂之日與不得久留明月中應去與亡後先生幸爲沐浴自當有人見迎與乃入第三重石室而卒謙之躬自沐浴明日中有叩石室者謙之出視見兩童子一持法服一持鉢及錫杖謙之引入至與尸所與欬然而起著衣持鉢執杖而去先是有京兆灊城人王胡兒其冊府元龜帝王部尚黃老卷之五十三 三叔父亡頗有靈異曾將胡兒致嵩別嶺同行觀望見金室玉堂有一館尤珍麗空而無人題曰成公與之館胡兒怪而問之其父曰此是仙人成公與館坐失火燒七間屋被謫爲冠謙之作弟子七年始知謙之精誠達通與乃仙者謫蒞而去謙之守志嵩岳精專不懈以神瑞二年十月乙卯忽遇大神乘雲駕龍導從百靈仙人玉女左右侍衛集于山頂稱太上老君謂謙之曰往辛亥年嵩岳嶺靈集仙官主表天曹稱自天師張陵去世已來修善之人無所師受嵩岳道士上谷冠謙之立身置理行合自然才任範首可處

師位吾故來觀汝授汝天師之位賜汝雲中音誦新科之誡二十卷號曰並進言吾此經誡自天地開闢以來不傳於世今運數應出汝宣吾新科清整道教除去三張偽法租米錢稅及男女合氣之術大道清虛豈有斯事專以禮度爲首而加之以服食閉練使九疑人長客之等十二人授謙之服氣道引口訣之法遂得辟穀氣盛體輕顏色殊麗弟子十餘人皆得其術泰嘗八年十月戊戌有牧土上師李譜文來臨嵩岳云老君之玄孫昔代郡桑乾以漢武之世得道爲牧土官主臨治三十六土人鬼之政地方八十萬冊府元龜帝王部尚黃老卷之五十三 四里奇蓋歷術一章之數也其中爲方萬里者有三百六十萬遣弟子宣教云嵩岳所絡廣漠平土方萬里以授謙之作誥曰吾處天宮敷演真法處法道年二十二歲除十歲爲童蒙其餘十二年教化雖無大功且有指授之勞今賜汝遷入內宮大真大寶九州真師治鬼師治民師繼天師四錄修勤不懈依勞復遷賜汝天中二真大文錄劾召百神以授弟子文錄有五等一日陰陽大官二日正府三日正房真官四日宿官散官五日並進錄生壇位禮拜衣冠儀式各有差品凡六十餘卷號曰錄圖真經付汝奉持輔佐

北方泰平真君出天宮靜輪之法能興造克就則起真仙矣又地上生民末劫垂及其中行教甚難但令男女立壇宇朝夕禮拜若家嚴君功及上世其中能修身鍊藥學長生之術卽爲真君種民藥別授方銷鍊金丹雲英玉漿之法皆有訣要上師李君手筆有數篇其餘皆正真書曹趙道履所書古文鳥跡篆隸雜體辭義約辯宛而成章大與世禮相准擇賢推德信者爲先勤者次之又言二儀之間有三十六天之中有三十六官官有一主最高者無極至尊次曰大至真尊次天覆地載陰陽真尊次洪正陽尊姓趙冊府元龜帝王部 尚黃老 卷之五十三 五

名道隱以殷時得道牧上之來赤松王喬之倫及韓終張世安劉根張陵近世仙者並爲翼從牧土命謙之爲子與群仙結爲徒友幽冥之事世所不了聽謙之具問一二告焉經云佛者昔於西胡得道在四十二天爲延真官主勇猛苦教故其弟子皆髡形瘠衣繼絕人道始光初奉其書而獻之世祖乃令謙之止於張曜之所供其食物時朝野聞之若存若亡未全信也崔浩獨異其言因師事之受其法術於是上詠讚明其事曰臣聞聖王受命則有天應而河圖雒書皆寄言於蟲獸之文未若今日人神接對手筆粲然

辭有深妙自古無比昔漢高雖復英聖四皓猶或耻之不爲屈節今清德隱仙不召自至斯誠陛下倬蹤軒黃應天之符也豈可以世俗嘗談而忽上靈之命臣竊懼之太武欣然乃使謁者奉玉帛牲牢祭嵩岳迎致其餘弟子在山中者於是崇奉天師顯揚新法宣布天下道業大行浩事天師禮拜甚謹人或譏之浩聞之曰昔張釋之爲王生結襪吾雖才非賢哲今奉天師足以不愧於古人矣及嵩高道士四十餘人至遂起天師道場於京城之東南重壇五層遵其新經之制給道士百二十人衣食齋宿祈請六時禮拜冊府元龜帝王部 尚黃老 卷之五十三 六

月設厨會數千人太武將討赫連昌太尉長孫嵩難之太武乃問幽微於謙之對曰必克陛下神武應期天經下治當以兵定九州後立先武以成太平太平真君三年謙之奏曰陛下以真君御世建靜輪天宮之法開古以來未之有也應登受符書以彰聖德太武從之於是親至道壇受符錄備法駕旗幟盡青以崇道家之色也自後諸帝每即位皆如之景穆太子見謙之奏造靜輪宮必令其高不聞鷄鳴狗吠之聲欲上與天神交接功役萬計經年不成乃言於太武曰人天道殊卑高定分今謙之欲要以無成之期說

以不然之事財力費損百姓疲勞無乃不可乎必如其言未若因東山萬仞之上爲功差易太武深然景穆之言但以崔浩贊成難違其意沉吟者久之乃曰吾亦知其無成事既爾何惜三五百功九年讎之卒葬以道士之禮先於未亡謂諸弟子及吾之在汝曹可求神仙錄吾去之後天宮真難可復遇設會之日更布二席於上師坐前弟子問其故讎之曰仙官來是夕卒前一日忽言吾氣息不理腹中大痛而行止如常至明旦便終須臾口中氣狀若煙雲上出空中至天半乃消尸體引長弟子量之八尺三寸三日已册府元龜帝王部尚黃老卷之五十三七

後稍縮至欽量之長六尺六寸於是諸弟子以爲尸解變化而去不死也時有京兆人常文秀隱於嵩高徵諸京師太武魯問方士金丹事多日可成文秀對曰神仙幽昧變化難測可以間遇難以預期臣昔者受教於先師曾聞其事未之爲也太武以文秀開右豪族風操溫雅言對有方遣與尚書崔贖詣王屋山令丹竟不能就是時方士至者前後數十人河東祁纖好相人太武賢之拜纖上大夫頻陽絳略聞喜吳邵道引修養積年百餘歲神氣不衰嘗農闢平仙傳覽百家之言然不能達其意辭占應對義旨可聽太

武欲授之官終辭不受扶風魯祈連赫連屈子暴虐避地寒山教授子弟數百人好方術少嗜慾河東羅崇從之葷餌松栢不食五各自稱受道於條山太武令崇還鄉里立壇祈請黃老云條山有穴與崑崙達萊相屬入穴中得見仙人與之往來詔令河東郡給所須從穴行百餘步遂窮後召有司以崇証罔不道奏治之大武曰崇修道之人豈致欺妄以詐於世或傳聞不審而至於此古之君子進人以禮退人以禮今治之是傷朕待賢之意遂赦之

文成興光元年二月帝至道壇登受圖籙禮畢曲赦册府元龜帝王部尚黃老卷之五十三八

京師班賞各有差

獻文天安元年三月辛亥帝幸道壇親受符籙曲赦京師時東萊人王道異少有絕俗之意隱韓山中四山不交世務年六十餘獻文聞而召青州刺史韓顯遣使就山召之翼乃赴都獻文以其仍守本操遂令增給衣食終身

孝文太和十五年秋詔曰夫至道無形虛象爲主自有漢以來置立壇祠先朝以其至順可歸用立寺宇昔京城之內居舍尚希今者里宅櫛比人神猥奏非所以祗崇至法清敬神道可移於都南桑乾之陰岳山之陽永置其所給戶五十以供齋祀之用仍名爲

崇虛寺可召諸州隱士員滿九十人遷維發鄴踵如故事其道場在南郊方二百步以正月七日七月七日十月五日壇王道士奇人以行拜壇祠之禮

後周武帝天和四年二月帝御大德殿集百餘道士等討論其藥帝賦詩以記其述仍勅於師正所居置隆唐觀及帝營奉天宮特置仙遊門以通師正所止之谷

唐中宗神龍元年二月制天下諸州各置觀一所咸以大唐中興為名

肅宗景雲元年十月制以雒州襄王府宅為太安國

冊府元龜帝王部 尚黃老 卷之五十三 九

觀

十二月癸未制日玄元皇帝朕之始祖無為所庇不亦遠乎第八女西域公主第九女昌隆公主性安虛自神融岐昧並令入道奉為天皇天后宜於京城右造觀仍以來年正月令二公主入道

二年正月加銀青光祿大夫行太子率更令史崇玄為金紫光祿大夫太清觀主

三月癸酉制為皇女金仙玉真二公主於京城各置一觀仍以金仙玉真為名

四月手制日朕聞釋及玄宗理均迹異拯人救俗教

別功齊豈於中間妄生彼我不遵善下之旨相高無上之法有殊聖教頗失爰章自今每緣法事集會僧尼道士女冠等宜令齋行 進

玄宗開元八年六月道士葉法善卒制日故道士鴻臚卿員外置越國公葉法善天真精密妙理幽暢包括祕要發揮靈符固以冥默難原希夷罕測而精栖蓬閣迹混朝伍保黃冠而不拔加紫綬而非榮卓爾孤秀冷然獨往勝氣絕俗真風無塵金骨外聳珠光內映斯乃體應中仙名升上德朕嘗聽政之暇偏詢至道公以理國之法屢奏昌言謀參隱諷事宜弘益

冊府元龜帝王部 尚黃老 卷之五十三 十

歎徽音之未泯悲形解之俄留何莫慙遺殲良奄及永惟平昔感愴於懷宜申禮命式賁泉壤可贈越州都督法善三世為道士皆有攝養占卜之術高宗開十年嘗來名山數詣京師法善自高宗則天中宗殆五議者或識其何背以其術高終莫之測也睿宗即位稱法善有冥助之功先天二年拜鴻臚卿封越國公仍舊稱為道士止于京師之景龍觀又贈其父為歙州刺史當時尊寵莫與為比年九十卒

九年三月置石柱於景龍觀令天台道士司馬承禎依蔡邕石柱三體書寫老子道德經

十年正月己丑詔兩京及諸州各置玄元皇帝廟一所並置崇玄學其僧徒令習道德經及莊列文子等

每年准明經例舉送

四月帝夢京師終南山趾有天尊之象求得之於蓋屋樓觀之側

十四年九月制曰玄元皇帝先聖宗師國家本系昔草昧之始告受命之期高祖應之遂於神降之所置廟改縣曰神仙近日廟庭屢彰嘉瑞虔荷靈應祗慶載深宜令本州擇精誠道士七人於羊角廟中潔齋焚香以崇奉敬

十八年十月命集賢院學士陳希烈等於三殿講道德經侍中裴光庭等奏曰堯舜以揖遜而理湯武以冊府元龜帝王部尙黃老卷之五十三 十一

干戈而興或勞神以苦形且役智而惟慮有生之類雖亦聞於小康無爲之風故未臻於大道今陛下化成天下與道玄同小其有爲之迹弘此不言之教將以去華歸本削僞存真其爲道德之鄉固在老莊之術遂命集賢院學士中書舍人陳希烈諫議大夫王迴質侍講學士宗正少卿康子元贊善大夫馮朝隱等於三殿侍講敷暢真文演褒城之七聖及姑山之四子理之於國唯清唯淨之風修之於身久視長生之道聖化玄運寰瀛樂康咸日用而不知實曠代之未有臣忝職司望編入史冊宣示天下帝手詔報曰

朕虔守宗祧祗膺曆數夙夜兢惕懼不克勝求賢臣而委之謀猷延學者而資其博洽用扶不逮雅致咸和既內平而外成且刑清而訟息端拱多暇留意典墳以爲道者玄妙之宗德爲教化之本講諷微旨稽詳秘文庶無爲而政成不宰而物應豈敢比德堯舜論功湯武者哉然必先正其心深思遠於遐邇務惟齊俗亦欲申於兆庶必若同歸清淨共守玄默所陳編示良用多慙

十九年正月壬戌置五岳真君祠廟各於岳下選德行道士數人焚香洒掃焉初司馬承禎隱於天台徵冊府元龜帝王部尙黃老卷之五十三 十二

至京師承禎因上言五岳神祇皆是山林之神非真正之神也五岳皆洞府各有上清真人降任其職山川風雨陰陽氣序是所理焉冠冕章服佐從神仙皆有名數請立齋祠之所帝從其言因敕五岳各置真君祠一所其形像制度皆令承禎推按道經創意爲之

二十年四月己酉勅曰五岳先制真君祠廟朕爲蒼生祈福宜令祭岳使選精誠道士以時設醮及廬山使者青城丈人廟並准此祭醮

二十年正月制曰老子道德經宜令士庶家藏一本

每年貢舉人量減尚書論策一兩條准數加老子策
俾尊崇道本弘益化源今之此勅亦宜家置一本每
須三省以識朕懷侍中裴光庭等奏曰伏見昨日一
敕教示百僚爰及兆庶聖恩博洽德澤如天亦既生
成載加誨勗莫不遷善咸知何方臣忝在樞衡未有
弘益忽承天獎曠若發蒙雖義軒上皇堯舜至德無
以加也天下幸甚云云望編入國史以示將來從之
詔曰玄元之教家國是資匪爲先祖貴申道本所以
首歲元日因行春令清淨之政期諸相國乎爲官擇
才可以先淳素也

冊府元龜

帝王部
尚黃老

卷之五十三

十三

二月逸人張杲就徵張杲不知何詩人也則天時隱
於條山往來汾晉間時人傳其有延年秘術自云年
十千歲堯時爲侍中人莫之辨則天遣使召之杲佯
死不赴後人復見之往來鎮州山中鎮州刺史韋濟
以狀聞玄宗令通事舍人裴晤往迎之杲對使絕氣
如死人之狀良久漸蘇晤不敢逼馳還具奏玄宗又
遣中書舍人徐嶠賁璽書以邀迎之杲乃隨嶠至東
魯肩輿入宮中玄宗親訪以理道及神仙藥餌之事
尋下制曰鎮州張杲先生遊方之外者也跡先高尚
心入窈冥足混光塵召至城闕莫詳甲子之數且謂

養皇上人問以道樞畫會宗極今將行朝禮爰升寵
命可銀青光祿大夫號曰通玄先生其年請入鎮州
賜以衣服及雜絲等便放歸山爲造棲霞觀於隱所
十二月侍講學士陳希烈等講書畢黃門侍郎同中
書門下平章事裴耀卿等奏曰臣等伏承陛下講讀
尚書周易道德莊列畢聖心弘道國訓崇儒玄風遠
被更自茲始况以事殷四海念切萬方日午罷朝既
披文於內殿風迴問俗亦函丈於行宮漢皇乙夜無
以過此悟老莊之旨齊物而仁恕以行運堯舜之心
稽古則憲章攸備鈞深致遠不疾而速陶鈞庶類品

冊府元龜

帝王部
尚黃老

卷之五十三

十四

物之歎幸實深弘獎大猷簡策之輝光載遠臣等叨
陪獻納竊奉音徽慶耀之誠倍百嘗品伏望付史官
騰芳盛烈帝手詔報曰尚書雅誥周易精微朕勿奉
師資未窮奧義故時令講說耳至乎莊子及道德經
邇爲表裏詳其所指觸類繁多既問廣成之道復得
方明之相况之今日千載一時故弘斯義以喻卿也
編緒簡牘隨卿意焉文武百官尚書左丞相集賢院
學士蕭嵩奏曰伏見去年以來有勅令集賢院學士
工部侍郎陳希烈諫議大夫王迺廣膳部郎中馮朝
隱等每日侍講玄元皇帝道德經及周易尚書莊子

等以今月二十四日講畢臣聞堯放上代之文以成其聖舜觀古人之象以著其明是知道有可尊禮忘於貴不唯聚學將以範人伏惟開元神武皇帝陛下明實天聰舉惟聖作道風允洽文教克成猶尚以廣生知以從積學事必稽古書皆作徵尊祖而習老經體天而觀易象追廣成之說則問以莊篇考唐郊之舊則詳於堯典日者比祠后土東幸溫泉或地涉風涉或天將寒雪而講筵必集帳殿如初足以知好學之志彰克勤之德雖包義畫卦夏禹受書曷以臻茲臣等忝在朝列預聞帝道伏請宣付史官頒示天下

冊府元龜

帝王部
尚黃老

卷之五十三

十五

帝手詔荅曰爰開集賢引進儒道退朝講讀蓋亦其嘗歲月周施頗尋章句其雅諦則稽之於古以質今其道真則取之於真不崇其放理國之要可不謂然乎宜付史官依卿所請

二十二年十月勅曰道家三元誠有科誠朕嘗精意禱亦久矣而初未蒙福念不在茲今月十四日十五日是下元齋日都內人應有屠宰令河南尹李適之勾當惣與贖取其百司諸厨日有肉料亦責數奏來并百姓聞是日並停宰殺漁獵等兼肉料食自今已後兩都及天下諸州每年正月七月十月元日起十

三至十五兼宜禁斷
二十三年三月癸未親注老子并修疏義八卷及至開元文字音義三十卷頒示公卿士庶及道釋二門聽直言可否文武百官右丞相蕭嵩等奏曰臣等准勅牒問百司并宣示道俗各得報稱咸以爲玄言造微字說該洽刊成代則欽若聖規觀妙知嘗以埏埴而爲體宿疑前失區條流而畢正是以發揮道教弘長儒風既以化人且聞端本雖旁求異義載佇天心而四誼同文一辭寧措並請編入史冊藏之祕府許之

冊府元龜

帝王部
尚黃老

卷之五十三

十六

六月庚寅嘉州峨眉山醮壇有神燈徧照諸峰群萃成響

二十四年八月庚午都城道士於龍興觀設齋發揚御書道德經上表請降中夜親王宰相及朝官行香并獻蔬食計之九月贈故道士王友真爲銀青光祿大夫

二十五年正月癸未以道士尹愔爲諫議大夫集賢學士兼知史官事特賜朝散階制曰古者置長過之官立司過之史所以書君舉劾王闕不次而受惟才是與道士尹愔識洞微妙心遊淡泊祗服玄元弘敷

聖教雖混萬物獨詣於清真而傳綜九流兼通於儒墨方貴無名之朴期不言之化資其妙道寔彼周行宜居納誨之職仍在記言之地情上表懇讓詔許未道士服視事情乃受職

三十六年正月丁丑親迎氣於東郊畢制道釋二門皆爲聖教義歸弘濟禮在遵崇其天下觀寺大小各度十七人簡擇灼然有經業戒行爲鄉閭所推仍先取年高者

二十七年十二月宰臣牛仙客李林甫奏曰臣等伏見皇太子送十一月德音付史官伏承陛下前月五册府元龜帝王部 尚黃老 卷之五十三 十七

日將欲巡幸渭北是夜夢玄元皇帝曰明日子欲遊乎北神不在此事宜止五更當自有應且子之享國多年矣何必此日陛下二更便停勅至五更果烈風大起際暮方定伏以玉真體妙莫大於皇極聖明致理孰盛於吾皇繇是感而遂通聖與神合言不測之事示必然之期果茲烈風有叶靈夢既彰陛下之祚更表無疆之休同天地而久長若符契之徵驗臣以上自開闢博考圖書神靈效祥帝王膺慶未有若此之昭者也臣等謬當樞近又忝史官預聞德音不勝忭躍伏望宣示百僚頌及中外帝手詔報曰頃欲渭

北近遊夢中有命神不守職事不可行出必有名何容易也賴玄聖垂告靈應果然朕夙夜驚懷福慶斯在春秋記異況在此乎所請宜依

二十八年五月帝謂宰臣曰朕在藩邸有宅在積善里東南隅宜於此地置玄元皇帝廟及崇玄學

二十九年正月詔曰三皇之時兆庶淳朴蓋繇其上以道化人自茲厥後爲政各異我烈祖玄元皇帝稟大賢之德繼至道之精乃著五千文用矯時弊可以理國家超夫象繫之表出彼明言之外朕有處分令家習此書庶乎人用向方政成不宰慮茲下士未達册府元龜帝王部 尚黃老 卷之五十三 十八

徵言是以重有發明俾之開悟期弱喪而知復弘善貨於無窮兩京及諸州各置玄元皇帝廟一所每年依道法齋醮兼置崇玄學於當州縣學士數內均勸量置令習道德經及莊子文子列子待習業成後每年隨貢舉人例送至省置助教一人委所繇州長官於諸色人內精加訪擇補授仍稍加優獎是月亳州奏玄元皇帝廟中之井湧氣成雲五色相映

二月帝謂宰臣曰洪州人鄔玄宗往在文明中傳玄元皇帝真告於天后曰我國祚無窮當千萬君遂遭禁錮因茲淪喪自非忠義之士感激過人孰能不避

死亡之誅竟達神靈之命宜與追贈以慰泉壤其子
璵亦依資授一官制日故洪州人鄒玄宗往者來應
嘉詔次于號略忽覩玄宗皇帝俾之升雲空中與言
使戒天后表國祚中興之運示寶曆無彊之期遂能
不顧其身來傳此旨竟遭幽繫諒可傷嗟自非竭節
本朝孰克犯顏茲日宜加追贈用慰幽魂可贈棣州
刺史

三月亳州奏老君廟九井先洞自奉詔增修觀寺九
井皆湧及樹枯復榮

四月漏下後帝謂侍中牛仙客中書令李林甫日朕
冊府元龜帝王部 卷之五十三 十九
尚黃老

自臨御以來何三十年來未嘗不四更初起具衣服
禮謁尊容蓋爲蒼生祈福也昨十日前禮謁事畢之
後曙色未分端坐靜意有若假寐忽夢見一真容云
吾是汝遠祖吾之形象可三尺餘在京城西南一百
餘里時人都不知年代之數汝但遣人尋求吾自應
見汝當慶流萬葉享祚無窮吾自度其時合吾與汝
與慶中相見汝當大慶吾猶未即言語畢覺後昭昭
然若有所覩朕即命使兼令諸道士相隨於京都西
南求諸果於盤屋縣樓觀東南山阜間乃遇真容一
昨迎到便於興慶宮大同殿安置瞻觀與夢中無異

卿等可入觀之仙客林甫俱拜賀上言日玄元大聖
降見真容感應之徵實符睿德陛下禮至真之道崇
清淨之源何嘗不禮敬虔誠爲蒼生祈福故得真容
入夢列祖表靈求之西南果與慶協且與慶官者潛
龍舊邸王業所興當此虛而告期與嘉名而相會斯
乃降於紫府鎮我皇家啓無彊之休論大慶之應陛
下爰捨正殿以爲法堂是尊是崇至敬至極殊膏之
禮將萬福而俱臻無外皆覃及億兆而同慶臣等何
幸親詣瞻禮自然相好諒絕名言開關以來典籍所
載未之有也請宣示中外編諸簡冊帝手詔報日夢

冊府元龜帝王部 卷之五十三 二十
尚黃老

之正者是謂通神於惟聖容果以誠應豈朕德所及
而大道是興再省神靈言猶在耳將貽福業代紀彌
多初告以行宮乃置之內殿燕之大慶久屬朕躬稽
之道德以茲爲寶當慈育萬姓承荅神明卿等宗臣
宜同朕意願揚嘉應安敢諫焉
五月庚戌帝夢玄元皇帝告以休期命有司圖畫真
容分布天下乃下詔日大道混成乃先於天地聖人
立教用敷於宗極故能發揮妙本弘濟生靈使秉志
者悟往迷方者知復以此救物故無棄人其孰當之
粵若我列祖玄元皇帝矣朕纂承寶業重闢玄闕自

席御以來罔不夙夜滌慮凝想齊心服禮謁於尊容
未明而畢事將三十載矣蓋爲天下蒼生以祈多福
不謂微誠上達宗祖垂鑒頃因假寐或夢真容既覺
之後脂焉以瞻殊相自然與夢相協誠爲寄降仙府
永鎮人寰告我以無疆之休德音在聽表我以非當
之慶靈貺有期乃吳穹幽贊宗社儲休豈朕虛薄能
致茲事若便寢之乃乖祗敬宜令所司即寫真容分
送諸道採訪使令當州道轉送開元觀安置所在道
士等皆具威儀法事迎後象到七日夜設齋行禮仍
各賜錫用充齋慶之費自今已後嘗令講習道德經

冊府元龜

帝王部
尚黃老

卷之五十三

三十一

以暢微旨所置道學須倍加敦勸使有成益是知真
理深遠弘之在人不可不有激揚何以勵俗諸色人等有
明道德經及莊列文子等委所縣長官訪擇具以名
聞朕當親試別加甄獎今者真容應見古所未聞福
雖始於邦家慶宜均於士庶其親王公主郡縣王及
内外文武官等並量賜錢至休假之辰宜以素食用
申慶樂諸道節度使及將士等亦惟此其兩京及諸
州父老亦量賜錢同此勸宴其錢以當虛官物充伊
爾公卿遠乎黎獻宜勉崇玄化共復淳源宣布遐邇
明知朕意戊寅有慶雲見於亳州真源縣玄元皇帝

廟薰有白鶴翔於廟門樓

八月丁亥陵州奏開元觀老君真容見儀象分明道
士十數人皆見久之方隱請頒示天下從之甲午命
有司於興唐觀設齋自內迎玄元皇帝真容於觀宰
臣百官悉行香有慶雲見侍中牛仙客中書令李林
甫上表賀日伏以玄元孚祐聖感潛通將垂介福必
有丕應頃屬初夏微陽暫憊自慶協已來頻降膏澤
變茲秋稼成此豐年又數日陰雲通霄澍雨聖容將
出天景廓清加以霏煙在天瑞氣捧日元符稠疊若
此再三惟皇祖之降靈表吾君以大慶爰自古昔所

冊府元龜

帝王部
尚黃老

卷之五十三

三十二

未嘗聞臣等何人觀茲明應伏望宣付史官帝曰卿
等表言數事皆聖祖啓祐應以隨迎祇顧薄躬對越
靈命編於史冊隨卿意焉

九月御興慶門數親試明道德經及莊文列子舉人
問策日朕聰政之暇嘗讀道德經文列莊子其書文
約而意精詞高而旨遠可以禮國可以保身朕敦崇
其教以左右人也子大夫能從事於此甚盛加之古
今異正文質相變若在宥而不理外物而爲行遂古
之化非御今之道過時之術陳其所宜又禮樂刑政
所以經邦國聖智仁義所以序人倫使之廢絕未知

其旨道德經曰絕學無憂則垂進德修業之教列子
力命曰汝奚功於物又遣懲惡勸善之文二旨孰非
何優何劣文子曰金積折廉壁襲無贏且申其義莊
子曰括與支交相養明微其言使一理混同三教薰
舉成不易之則副虛佇之懷有姚子彥蘄能元載等
策入第各授之以官

十二月勅曰朕每念黎庶無忘餐寐與其家給而足富而且壽仙濟之方莫爲道教大聖垂範微言粲然遵而行之其應何遠况時將獻歲萬物發生旣叶陽和或存惠養宜令天下諸觀起來年正月一日至年

冊府元龜

帝王部
尚黃老

卷之五十三

二十三

終以來嘗轉本際經其四大齋日每百官齋之日當
令講誦庶澤及無外稱朕意焉是年皇太子奏曰臣弟兄奉恩旨共造大玄觀庶憑神力永保聖躬望精選二七人虔爲道士上日道貴清淨必在人弘念爾等勤誠用依來請
是月亳州奏玄元皇帝廟門之南丁汝璿家有牛忽
變成青牛事符仙瑞請頒示中外許之

冊府元龜

冊府元龜

巡按福建監察御史臣李嗣京 訂正

知甌寧縣事 臣孫以敬參閱

知建陽縣事 臣黃國琦較釋

帝王部 五十四

尚黃老第二

唐玄宗天寶元年正月甲寅陳王府參軍田文秀上

言曰玄元皇帝降見於丹鳳門之通衢告錫靈符在

尹喜故宅帝遣使旁求於函谷故關令尹喜臺西一

百三十步發之而得時文武百官及宗子僧道咸上

冊府元龜

帝王部

尚黃老 卷之五十四

乙

表以符瑞感通韞匱真寶潛應年號先天不違願崇

徽號光昭典禮累表入帝固辭不受壬申乃下制曰

神之降休禮無不答永言禋祀必在躬親朕粵自君

臨載弘道教崇清淨之化暢玄元之風庶乎澤及蒼

生時臻壽域積以歲月未嘗懈怠豈謂微誠感通烈

祖降見乃昭靈命是襲寶符因而求之應言而獲亦

既至止果表殊徵諒惟祕詞不可詳說然邦國大慶

何以過焉是知神仙所絨造化同固愛初有待經觀

置而多時潛應啟元若符契之相合景福攸介祇畏

良深而群官宗室抗疏於外元良諸子屢請於中逮

夫緇黃兼彼耆老以至懇誠不已前後相仍願加天

寶之名用益開元之號顧惟菲薄曷以當之然則玄

元在乎欽承人心難以推拒順天從衆義協至公敬

依所請實用多愧斯蓋上玄厚載爰及百神孚佑効

靈協於膚祖幽贊惟新之歷克彰永代之祥宜遵記

典式陳昭報以來月十五日附玄元皇帝廟

二月乙酉置玄元皇帝廟辛卯親享玄元皇帝於新

廟京城斷屠宰是月詔史記古今人表玄元皇帝升

入上聖

三月丙申追號莊子爲南華真人所著書爲南華真

冊府元龜

帝王部

尚黃老 卷之五十四

二

經庚子帝曰莊子號曰南華真人其文列庚桑宜令

中書門下更討論聞奏宰臣李林甫等奏曰莊子既

號南華真人文子請號通玄真人列子號冲虛真人

庚桑號洞虛真人其數子并望隨號稱經從之門下

侍郎陳希烈奏曰臣伏見今年二十日恩制以莊子

號南華真人書曰南華真經然真經所說皆理身之

要發明與義有十萬玄言祖述道經含五千微旨昔

嘗侍講跪演經文至於七篇陛下顧謂臣曰其篇有

養生主已悟長年之術其大有德克符豈無非嘗之

應臣稽首對曰陛下德克於內符應於外發言之後